

hoc sensu ejus Conceptionis festivitatem solemniter ritu colentium, & celebrantium: crevitque eorum numerus, atque hujusmodi cultus post editas a felicis recordationis Sixto Papa Quarto Prædecessore nostro in ejus commendationem Apostolicas Constitutiones, quas Sacrum Concilium Tridentinum innovavit, atque observari mandavit. Aucta rursus, & propagata fuit pietas hæc, & cultus erga Deiparam post erecta hoc nomine, approbantibus Romanis Pontificibus, Religiosum Ordinem, & Confraternitates, ac concessas ab iisdem Indulgentias, itaut, accedentibus quoque plerisque celebrioribus Academiis ad hanc sententiam, jam fere omnes Catholici complectantur. Tum quosdam commemorat, qui Ecclesiam Romanam pie sententia, & cultui juxta illam Beate Virgini exhibitio favere negant, pios Christi fideles e sua pacifica quasi possessione deturbare conando. Et paucis interjectis. Nos considerantes, quod Sancta Romana Ecclesia de intemerata semperque Virginis Mariæ Conceptione festum solemniter celebrat, & speciale, ac proprium super hoc Officium olim ordinavit juxta piam, devotam, & laudabilem institutionem, quæ a Sixto Quarto prædecessore nostro tunc emanavit: volentesque laudabili huic pietati, & devotioni, & festo, ac cultui secundum illam exhibitio, in Ecclesia Romana post ipsius cultus institutionem nunquam immutato, Romanorum Pontificum prædecessorum nostrorum exemplo, favere, nec non tueri pietatem, & devotionem hanc colendi, & celebrandi Beatissimam Virginem, præveniente scilicet Spiritus Sancti gratia, a peccato originali præservatam, capientesque in Christi grege unitatem Spiritus in vinculo pacis, sedatis offensionibus, & jurgiis, amorisque scandalis, conservare... Constitutiones, & Decreta a Romanis Pontificibus prædecessoribus nostris, & præcipue a Sixto Quarto, Paulo Quinto, & Gregorio Decimoquinto edita in favorem sententia afferentis, animam Beate Mariæ Virginis in sui creatione, & in corpus infusione Spiritus Sancti gratia donatam, & a peccato originali præservatam fuisse; nec non & in favorem festi, & cultus Conceptionis ejusdem Virginis Dei-